

飲

虹

籀

所

刻

曲

孝威



飛

江

口

可

可


可

可

可

柏齋先生樂府

(十二)



栢齋先生樂府序

前明時吾鄉有兩理學名臣皆占籍他省一
爲貴州清平孫文恭公應鰲一則河南武陟
何文定公瑋也乾隆閒汪之珩輯東皋詩存
有文恭無文定意其未見栢齋集耶文定世
居縣南鄉之何家堡所著栢齋集凡文十卷
詩一卷醫學管見一卷四庫並著錄余舊得
嘉靖刻栢齋集與坊閒河南刻本篇次多異
同又從百川學海明世學山學海類編諸書
鈔得所著儒學管見陰陽管見二書獨以未

見律呂管見爲恨冀野此卷從碧山新稿錄
出僅散曲四套余復從北宮詞紀益以一套
或少之惟少故佳耳宏正閒能爲樂府者推
康德涵王敬夫世傳敬夫將填詞以厚貲募
國工杜門學按琵琶三弦習諸曲盡其技而
後出之德涵於歌彈尤妙每敬夫曲成德涵
爲奏之卽老樂工無不擊節歎賞文定日與
康王遊宜其詞之工也抑文定非獨工於詞
而已劉瑾竊政以川扇贈諸翰林諸翰林有
入而拜者文定獨長揖瑾不以贈受贈者復

拜謝文定正色曰何僕僕也瑾詰其姓名文定直應曰修撰何瑒瑾雖怒然莫如何也文定旣不爲瑾所容乃累疏乞致仕卷中新水令自述一詞蓋卽作於家居之時謂之草堂體可謂之宗匠體亦無不可也文定生平慕許衡薛瑄之爲人與湛若水交尤契嘗爲文以贈若水謂若水以存心爲主余以格物致知爲先非存心固無以爲格致之本物格致致則心之體用益備故當時東南學者多宗王守仁良知之說文定獨謂其流入禪宗充

塞仁義後生未得游夏十一而議論卽過顏
曾此吾道之大害其持論之篤實若此冀野
旣從國史唯疑綴緝文定遺事余復據明史
本傳及張鹵所爲何文定公傳爲文報之鄭
世子載堦爲文定外甥世傳樂律全書其學
實受之於文定而文恭亦著有律呂分解律
呂發明二書云乙亥中秋日同里後學冒廣
生謹序

栢齋先生樂府目次

雙調新水令

漢陂先生七十壽詞

雙調新水令

自述

雙調新水令

歸興次漢陂先生韻

正宮端正好

春興次漢陂先生韻

中呂粉蝶兒

寄壽康對山太史

栢齋先生樂府

武陟何瑋粹夫撰

雙調新水令

漢陂先生七十壽詞

想當年聲價動春雷
伏侍着聖明千歲
只說道青雲平步上
誰承望黃閣壯心違
事變成虧
這消息有誰會

落梅風

榮和辱是與非
提起來悶懷如醉
歎紅紫滿園春去矣
耐久的古松蒼翠

鴈兒落

五福全世所稀八字定誰能避七十年雲水
身千百遍鶯花戲

得勝令

看了他騎虎的勢偏危再不題附鳳的我曾
陪已拚了人愛的咱不愛常則是他悲來我
不悲庭闈見說道樓臺立瓶罍肯教將堂構
頹

鴛鴦煞

百年道路旁須憇一家骨肉情何忌父子嘻
嘻兄弟怡怡唱道食有珍羞衣兼羅綺更散

誕無拘又自有無窮味似這等高壽偉才人
眞箇是光前啟後的

雙調新水令 自述

喜歸來茅屋樂閒身任傍人笑咱癡併鬧中
辭世故靜處養元神豈是要遞世離羣也是
咱舊緣分

駐馬聽

非富非貧處處名園花似錦知時知運年年
高枕晝關門遇良辰美景倒芳樽看狂歌醉
舞誰風韻常暗哂料巢由不買青山隱

沈醉東風

想當日辭官奏准把平生諫稿都焚閒將咱
老病身來混這莊家啗歎浮生誰到干春休
問前因與後因對明鏡時尙自哂

鴈兒落

也不問公卿要路津也不誇騏驥天閒駿也
不談陶潛懶做官也不說汲黯羞爲郡

得勝令

常記取張翰想吳尊更念着孔子泣郊麟回
首處渭北春天樹傷心也江東日暮雲沾巾

歎白髮生雙鬢鼓盆送商歌出寸脣

川撥棹

想前人陷粉昆

前案二字疑誤

怪權臣機變緊事往

愁新玉石誰分參透了盈虛益損富利貧到底勻

七弟兄

因此上七旬老辰未臻便安排解組無多論
歎嚴光豈是敢忘君笑范叔只解論名分

梅花酒

自歸來住遠村訓劉表家豚種屈子旁蓀玩

弘景白雲有時節舉杯邀皓月揮扇障紅塵
逍遙處養道真從今後疏林下有閒人短景
內有長春深潭底有潛鱗荒草裏有靈根塵
世外有清氛

收江南

也不須渭川嚴瀨坐垂綸也不須朝經暮史
講云云也不須利門名路走紛紛如今年已
過六旬只將這焚香祝壽報君恩

雙調新水令

歸興次漢陂先生韻

問先生何處是生涯結茅廬太行山下便休

題潭潭丞相府且做箇小小野人家愛的是
泉石煙霞這景和物倩誰畫

馭馬聽

想起那仕宦榮華日日乘騎朝上馬怕的是
權豪凌駕朝朝伺候大官衙到如今山妻稚
子自親狎那裏怕狂夫駮叟相譏罵一會家
閒想咱傀儡場看盡俳優耍

沈醉東風

且隨興桃蹊葦涯更何須洛浦巫峽休邀行
雨仙莫賦凌波襪老先生不愛紛華做一箇

散誕逍遙處士家
險把那嚴陵傲煞

折桂令

歎浮生思慮無涯見如今四體疼痛兩眼昏
花也不須百味珍羞千鍾美酒一入嬌娃興
來時請朋友圍碁打馬倦了時設杯盤蕨笋
蒲芽兩碗胡麻一筋鮮蝦似這等蕭散林中
又何須奔走天涯

鴈兒落

閒時節教家僮學種花
閒時節訪鄰里相攀
話望的是田禾歲歲登喜
的是孫子看看大

得勝令

但見他豪貴着綾紗便想起辛苦種桑麻看了這平地眠黃犢再不去危途馳駿馬聒耳箏琶今世裏甘休罷滿眼雲霞老年來受用咱

沽美酒

看了他急慌忙趁早衙那能勾得閒空翫春葩褪後趨前辛苦煞只熬的如聾來似啞擔榮辱惹驚怕

太平令

爭似俺鼓吹喧池水鳴蛙參拜齊庭樹飛鴉
錦幄張芙蓉開又翠幃擺蒲萄結架呀瓊肌
剖瓜金波泛茶這興趣有誰來酌價

離亭宴帶歇指煞

草亭不用鴛鴦瓦杖藜豈羨驂騮馬不由人
自誇好山水日登臨小詞曲新翦綴美景物
閒描畫開畦種藥苗倚杖觀禾稼悶了時看
村童戲耍打一會狗沁歌趕幾處牛王社卜
兩筐龜兒卦狂騎驢背吟劣把牆頭跨管甚
麼傍人笑咱這老兒非智也非愚這話兒如

眞又如假

正宮端正好

春興次漢陂先生韻

俺也曾步雲霄衣緋絲謁朱門光動金鋪尋
思往事傷郿塢因此上再不躡長安路

滾繡毬

見公卿懶問渠喜漁樵相伴居閒時節講一
會古今人物把殘年歲月消除孔仲尼待價
沽李伯陽牛馬呼各自有一般題目他怎肯
毀譽隨俗苦則苦李斯上蔡悲黃犬笑則笑
甯戚南山歎鯉魚更有箇伊尹當厨

叨叨令

似這等講古今談興廢把流年度正相應伴
雲霞友麋鹿向深山住有時節濯滄浪沿澗
谷觀雲樹誰待要畫麒麟登龍虎陪鷓鴣兀
的不自在煞人也麼哥兀的不自在煞人也
麼哥也休題命安排天付予人陶鑄

脫布衫

喜春來滴花梢露比瓊珠襯芳街苔展氍毹
問東君恨他無語倩啼鶯把春留住

小梁州

賞酒還過卓氏鑪且共踟躕急回頭花謝柳
條枯愁無數便沈醉未爲愚么春來又恐把
農桑誤百忙裏呼喚長鬚你把田地耕牛羊
聚掃除蠶屋窗破了紙重糊

上小樓

見如今公卿仕府亂攘攘豺狼盈路他都是
利齒靈牙疾足高材怎敢爭驅笑老夫眞懦
夫多憂多顧也只爲黃梁夢夜來新悟么怕
的是攀龍跨虎喜的是盟鷗狎鷺我爲甚棄
了功名守着貧寒都只爲遠卻憂虞宦况慵

旅夢孤倉皇歸去且相伴韻叻叻故山麋鹿

滿庭芳

休嫌困苦春耕負米午餉攜壺須知道豹隱
南山霧自有歡娛賽社處同烹豕殺看出回
獨倚門閭遣興把陶詩做看梁間燕侶吾亦
愛吾廬

快活三

喜兒孫長大速敢道是汗血駒教讀書須是
盡三餘除此外無別慮

朝天子

看雲山繞屋積詩書滿屋不羨他人豪富粗
衣淡飯度朝晡有甚脆膾處清白家風蕭條
門戶謝蒼天長做主釐金珠滿斛爭似種桑
麻百畝好親友勤相顧

四邊靜

小杯盤隨時雜黍莫喚吳姬休邀子都北舍
南鄰總是歡娛處管甚麼吾徒來酒徒都寫
入同盟簿

耍孩兒

霎時間酒闌人散還家去猛想起當年介甫

紛紛變法待何如空落了箇奸佞稱呼朝中
宰相官三品倒不如林下幽人酒一壺俺這
里回頭顧真箇是閒門五柳空谷生芻

五煞

忘機度量寬隨俗禮貌粗太平時節難遭遇
興來琢句追騷雅醉裏看山似畫圖人眼的
皆佳趣魚遊綠水鷺點青蕪

四煞

安閒夢不驚清貧樂有餘平生不走崎嶇路
一心自把煙霞戀雙手難將日月扶因此上

混着漁樵住再休題千秋鳳鳥萬里龍駒

三煞

戴一頂細葛巾穿一領粗布裾鄉村城市從來去到門訪友休題鳳出郭尋春且跨驢有時節閒看人爭渡忘言似啞兀坐如愚

二煞

變寒暄陰與晴走東西兔與烏感時對景傷遲暮鶯啼谷口春歸早蝶戲花心雨過初我爲甚賞翫慵歸去都只爲恩恩短景渺渺長

途

一煞

村居足自怡權門懶去趨
面前背後從人覩
行藏付與山靈管
勳業何須太史書
身外事無多慮也不干州衙縣
宰也不須里正鄉胥

尾聲

詩吟殘閒性情酒澆開愁臟腑
眼面前便是神仙路
管甚麼滄海桑田
今又變古

中呂粉蝶兒寄壽康對山太史

仕路多歧逐亡羊枉勞心力
望秦雲山水透
遙想着那酒中蛇城中虎
知受了幾多猜忌

算別來季過三十重相見知道他在于何日

醉春風

本待要命駕訪仙居裏糧春宿米只爲這病
身軀行不得遠程途因此上把悶懷來積積
千里書來六旬初度百季根蒂

迎仙客

聞說道身尙健面如鰲論風流一般般都似
昔多管是鉛汞調金石餌步履輕疾真個有
返老還童意

紅繡鞋

若果會延季住世煞強如廕子封妻想人生
凡事要從宜解悶懷干盞酒消壯志一盤棋
玩天機雲乍起

石榴花

數十季逍遙散誕慣經習把霞衣鶴筆任斜
披遇樵夫漁叟笑微微白雲洞裏瑤草頻拾
有時節閒訪安期輩跨青鸞白鶴來歸猛想
起調元贊化平生志恰便似談夢境道虛脾

耍孩兒

花田周慶喜把賓朋會列衣冠渾如畫裏計

從今相見不相疑
共歡嬉皓首
麗眉常則是
批風抹月與英賢
笑並不聞歎
老嗟貧着識
者譏遇請召
無辭避專要與林泉
訂約更看他桃李成蹊

一煞

心閒時召友
生花開處設酒席
看班揚賈馬來
相繼嬉遊誰識
英賢樂辛苦
翻伶仕宦癡
謝東山豈是
耽聲妓只恐怕
腐儒眼目差
認了豪傑旌旗

尾聲

住塵寰千百年恰仙家三四日羨先生壽考
人難似只是這水遠山遙不能夠面見的

栢齋樂府

何塘栢齋先生樂府一卷附正德本碧山樂府卷末雖厯散曲四套世罕見者案塘字粹夫武陟人弘治進士初任翰林修撰不屈於劉瑾出爲開州同知歷工戶禮三部侍郎晉南京右都御史卒諡文定著醫學筭見栢齋三書栢齋集黃景昉謂塘以進講蹇澀衣冠不鮮明遭武皇怒旣不附逆而贊成康海救李夢陽以道德名儒乃亦憐及文章士其撰海墓表有云才甚高性甚直不切切於規矩之內其學聖人之權而未至者乎語具斟酌

初李空同與交厚臨歿屬其子勿請塘銘曰
栢齋一生清苦我則近於任俠不當以人累
文也塘嘗視學浙江至紹興望見渠渠夏屋
問左右曰其人治何賈起此宅曰宦宅也塘
驚異曰宦則安能然左右竊笑事並見國史
唯疑云癸酉四月廬前中州記

南曲次韻

(十三)



南曲次韻序

中麓山人寄予傍粧臺百首蓋其歸田後作也暇日付之歌工馮几而聽之感憤激烈有正有謔洋洋乎盈耳哉可喜也亦可歎也可好也不可忘也久而技癢忘其身之老也欲和之目昏弗克自檢閒令小孫朗誦一二識而和之且和且歌或作或輟兩閱月完矣校之元倡工拙相去奚啻千里雖然君以強仕之齡絕人之資博洽之學加以感憤激烈之氣推山倒海傲睨一世凌駕千古予老而衰

矣如之何其可及也興之所至不能已已蓋
亦各言其志云爾彙次成帙題曰南曲次韻
而述其所由如此金玉在側覺我形穢覽者
幸無誚焉可也時嘉靖乙巳春二月甲辰碧
山七十八翁自序

南曲次韻

章丘李開先中麓謨

鄠王九思敬夫次韻

仙呂南曲傍粧臺

鬧垓垓龍蛇白晝走庭階
饒君撥的天關轉
推的地軸開
村拳怎打迷魂陣
野腳難登拜
將臺千鈞力
八斗才得歸來處
且歸來

鬧垓垓蜂黃蝶粉舞香階
看東圃茶縻綻
西苑牡丹開
紛紛紅紫春如畫
處處笙歌
月滿臺
江湖客李杜才
明朝有意抱琴來

笑呵呵挂冠歸去免張羅閒披鶴氅朝玄帝
焚龍腦禮彌陀酒逢知己千盃少話不投機
一句多胡將就沒奈何得磨跢處且磨跢

笑呵呵良辰無酒典春羅何須蓬島尋仙
侶山寺訪頭陀風花滿眼誰同賞朋友知
心豈在多遊春也奈老何杖藜懶步興蹉

跢

絮叨叨閉門怕見小兒曹暗中準備狼牙箭
防避鴈翎刀願遊海上尋丹藥不向天邊種
碧桃高擡手懶折腰得逍遙處且逍遙

絮叨叨每將言語勸吾曹須求學問深如
海文筆快于刀早攀寶月宮中桂爛醉瓊
林宴上桃逐歌扇棄舞腰青雲萬里路迢
遙

傻哥哥識人多處是非多怎禁對面丟圈套
平地起干戈片石要打千金磨尺水翻成一
丈波南無菩薩阿彌陀佛得高歌處且高歌
傻哥哥鬢絲鏡裏近來多留不住三春景
揮不起魯陽戈覺來一枕黃梁夢跳出千
層黑海波說甚麼咒念甚麼佛春風一曲

醉羅歌

淚悽悽暖時怕冷飽防饑常言道要飽家常
飯要暖腳頭妻龍居淺水遭蝦戲虎離深山
被犬欺權粧啞佯不知得便宜處且便宜

淚悽悽眼前畫餅怎充饑有意閒生事無
故要休妻冥冥黑鬼由他算湛湛青天不
可欺君休笑我盡知人人都要討便宜

醉昏昏世情宜假不宜真須知酒乃天之祿
口是禍之門江中後浪催前浪世上新人換
舊人紅塵外綠水濱得安身處且安身

醉昏昏幾翻春夢記難眞喜雙燕棲茅屋
五柳映柴門朱顏老去非前日白髮年來
少故人瀛洲上洙泗濱自慙空負百年身
樂醕醕雲臺爭似釣臺高那愁仕路多坑塹
入海有風濤東歸闈苑三山近北望君門萬
里遙飛龍劔睡馬杓得逃名處且先逃

樂醕醕草堂南對碧山高笑將垢面揩花
雨塵耳洗松濤鑄壘邀月寧辭醉杖屨尋
春不憚遙東華路北斗杓有人經濟我堪

逃

叫查查南無菩薩摩訶薩愁聽吠夜門前犬
鬪曉樹頭鴉曲律木車兒隨性打阿擱紙鷄
子怎生拏波羅蜜花木瓜得磨滑處且磨滑
叫查查逢人都念善菩薩誰知心似斑斕
虎賊勝老烏鴉精銅卻把銀皮裹道四原
將三箇拏堪學稼且種瓜怎教習染做油

滑

恨悠悠眼前歲月去如流怎熬鴻鴈飛難定
烏兔走無休東生西沒朝還暮北往南來春
復秋傳盃飲秉燭遊得淹留處且淹留

恨悠悠都將往事付東流也知過分終須
敗知味便合休纔看桃李花前雨又報梧
桐葉底秋千金產雙闕遊陰功還與子孫

留

笑嬉嬉葫蘆提罷大家提世情都把真爲假
不辯是利非五陵豪氣空千丈百歲光陰已
四十三十而立七十者稀得棲遲處且棲遲
笑嬉嬉棚頭傀儡情人提時新粧扮雖然
好真容貌總然非虞廷輔治名臣五周世
興邦宰相十于今爲盛在古也稀萬年嘉

靖日遲遲

冷颼颼鏡中綠鬢早驚秋從今不放來生債
休帶隔年愁請看日月搬烏兔莫與兒孫做
馬牛終朝醉萬里遊得藏頭處且藏頭

冷颼颼春來風雨似深秋閒居但以琴爲
友不借酒消愁常笑李斯悲獵犬每懷莊
叟歎犧牛只閒坐不浪遊隄防樹葉打着
頭

景萋萋眼前白髮故人稀醉中不記天南北
那覺日東西年來自喜一身健老去誰憐萬

事非遊龍闕謁鳳池得逃歸處且逃歸

景萋萋夜來雨過杏花稀
平明鶯轉垂楊裏人臥小窗西
自憐夢寐無牽繫不似功名惹
是非風飄榭月滿池吟風弄月詠而

歸

氣昂昂奮身掙脫利名韁
休愁臥榻藏狐兔當道有豺狼
各除自己門前雪莫管他人屋
上霜元都觀綠野堂得徜徉處且徜徉

氣昂昂五花驄馬紫絲韁
爭誇聲譽如鳴鳳手策射貪狼
明白好似天邊月威怒還

加雪上霜陽春筆冰玉堂幾人能到此徧
詳

醉醺醺甕中乾了玉壺春勸君莫做千年調
苦了百年身唾津嚙卻心頭火淚點休湮枕
上痕拳頭硬肱膊村得饒人處且饒人

醉醺醺休教孤負豔陽春勸君且盡盃中
物暫憇夢中身愁看風擺花無數喜見雲
開月有痕山當戶水繞村青山綠水一閒
人

眼茫茫醉魂飛繞水雲鄉醒來已是三竿日

消盡一天霜朝遊道院求靈藥暮扣禪關惹
御香何須慮不用忙得潛藏處且潛藏

眼茫茫終南山下是吾鄉坐來揮扇消微
暑早織布禦寒霜四郊牟麥三農喜一架
薔薇滿院香家家做日日忙又看秋斂與
冬藏

跳躩躩太平人唱太平歌常餐淡飯無驚怕
着破衲免奔波叨居四品寧爲賤便做三公
待怎麼黃金印白玉珂得騰那處且騰那

跳躩躩仲尼車外楚狂歌管蔡毀周公曰

惹以謗馬伏波傷心自古皆如此開口和
他辯甚麼聽金鑰想玉珂嗚呼老矣步難

那

恨縣縣脫離苦海結良緣閒來演梵招提境
戒受法王前金身一丈同十丈寶刹三千卽
大千龍華臺上鷲嶺寺邊得參禪處且參禪
恨縣縣山林天定此生緣當初叨步雲霄
上進講帝王前彩毫有志追班馬黃卷曾
期破萬千鳳池外麟閣邊一朝逐出似逃

禪

鬢班班愁聞邊塞對敵難只須平把住黃花
鎮橫當了紫荆關金戈耀日狼煙息鐵甲衝
風鳥陣閒雕弓勁畫角殘得加餐處且加餐
鬢班班別君容易見君難每思仗劍來燕
關持節過秦關雄才到處千夫避高論叨
陪半日閒離歌動飲興殘淹留深愧野人

餐

打馱馱一鞭行色赴高科文章得中青錢選
平把錦標奪懶同朝貴趨黃閣願與漁翁着
綠簑心猶壯鬢已皤得隨和處且隨和

打馱馱樵夫漁叟樂同科住山水無驚怕
棄名利免爭奪行穿窟徑雲千頃把釣扁
舟雨一簑一赤腳一鬢皤幾回問對笑聲
和

戰兢兢簷前鐵馬起秋聲幾時盼得晨鐘動
叵奈夜寒生一簾花影風初定四壁蛩吟月
正明心閒事身外名得潛形處且潛形

戰兢兢文章休遣占虛聲請看未老身先
退無事謗還生忠臣孝子心無愧白日青
天久自明蠅頭利蝸角名爭如鶴息養吾

形

氣吁吁眾皆騎馬我騎驢方知久住令人賤
多病故人疏仲宣樓上悲王粲張祿門前拜
范睢琴三弄酒一壺得歸歟處且歸歟

氣吁吁灞橋風雪浩然驢詩翁偏愛梅花
好人卻道景蕭疏一代名家齊杜甫幾人
超世繼關雎橫金帶飲玉壺甘心都把讓
人歟

曲彎彎一輪殘月照邊關恨來口吸盡黃河
水拳打碎賀蘭山鐵衣披雪渾身溼寶劍飛

霜撲面寒驅兵去破虜還得偷閒處且偷閒
曲彎彎一溪流水繞柴關吟不盡春來景
畫不出雨中山社催燕子隨時到人替梨
花怨曉寒風前飲月下還阿誰能得這清

閒

日棲棲仕途越久越着迷誰能擡手知輕重
當面識高低人心不足蛇吞象世態難平鳳
做雞歸休早睡起遲得追隨處且追隨

日棲棲蓬萊何處五雲迷且看鏡裏秋蓬
亂鳥外暮山低平生志氣孤飛鳳半路遭

逢五眼鷄閒愁散老景遲清風明月喜相

隨

惜惺惺眾人皆醉我獨醒從來哈帳難盤算
啞迷欠分明喜遊渡口逢和靖莫向江頭弔
屈平登山路涉水程得閒行處且閒行

惜惺惺休談誰醉與誰醒西鄰甕底眠畢
卓東籬下舞淵明吟將一斗催豪興怒把
千盃洗不平循天道計日程六千三萬且

徐行

興勃勃羅襪脫了換漁簑閒中纔把愁眉放

不惜醉顏酡紅塵路上休騎馬綠草池邊好
放鵝隨心令信口歌得吟哦處且吟哦

興勃勃醉來舞借牧兒簑渾忘雲鬢今朝
改酒面暫時酡禍談素日曾傷虎經寫黃
庭不換鵝君看我舞且歌老狂由記少年

哦

笑吟吟相攜故友傍雲林果然過後思君子
日久見人心十分機巧十分拙一寸光陰一
寸金郎山秀江水深得登臨處且登臨

笑吟吟休分臺閣與山林自憐衰叟懷明

主白髮有丹心卞和老去寧泣玉楊震從
來不愛金眞和假淺其深蒼天無語眼前

臨

耍些些急流勇退是豪傑如今枳棘棲鸞鳳
塵土混龍蛇兩輪日月籠中鳥百歲光陰夢
裏蝶情腸變性氣別得也斜處且也斜

耍些些幾回歎息漢三傑一心願觀岐山
鳳怕捕永州蛇自開簾幕同棲燕閒看兒
童撲浪蝶花陰轉日影別闌干正正又斜

斜

骨厓厓十年多病瘦如柴自憐形瘦心猶壯
人老鬢先白朝中不上二三都賦林下空閒萬
里才銅峴印金字牌得丟開處且丟開

骨厓厓地爐無炭且煨柴不堪風烈綿衾
冷雪映月華白宦途遙憶黃州客詩社誰
高白戰才簪貂帽佩象牌早朝曾候殿門

開

恨怱怱眼前光景耳邊風疾飛夜月如朝日
春鴈卽秋鴻每逢冷節花相似但入新年人
不同爲棲鳥作臥龍得從容處且從容

恨恩恩閒評今古立東風漢朝內寵憐飛
燕四皓北冥鴻笑他論語分前後可怪堅
白辨異同莊周燕老子龍孔門何地可能

容

話喋喋爲爭名利費脣舌豈知寶鈔牀頭盡
白髮鬢邊茂潛蹤懶去踏龍窟斂手休來探
虎穴精神倦筋力竭得粧呆處且粧呆

話喋喋羞看說客掉長舌頭直上天不怕
口角裏似風菱誇揚六國黃金印唾罵千
年狡兔穴言須謹莫放竭任他人笑是癡

呆

暫休休不須談笑覓封侯古來才大難爲用
交厚友成讎病軀怎戀雙龍闕拙手難修五
鳳樓黃鷄社白鷺洲得遨遊處且遨遊

暫休休子陵垂釣傲王侯老來名利輕于
土書冊棄如讐懶登華嶽三峰頂高臥園
林百尺樓上林苑御水洲風光讓與少年

遊

影團團東方月出爛銀盤光輝大地無遮蔽
人世有悲歡愁心已被閒心釋醒眼休將醉

眼觀乘白鹿駕彩鸞得盤桓處且盤桓

影團團曉來紅日照吾盤盤中苜蓿無嘉
味談笑有餘歡人爲多事忙中錯物理須
從靜處觀牛追驥雀比鸞猶將堯舜並文

桓

後三三後三原只是前三山中泥下燒丹竈
蓋就煉形庵結胎選器非難事鑄劍開關豈
妄談爲彭祖學老聃得貪心處且休貪

後三三學仙遺世在雲山也知大隱歸朝
市何用住茅庵鏡中白髮終難變爐裏黃

金豈易談嗟彭祖怪老聃貪生誰道不爲

貪

喜孜孜身閒是我遂心時只因相貌多寒賤
命運太參差困魚赴壑乘新水倦鳥投林戀
故枝青銅鈔白玉卮得推辭處且推辭

喜孜孜曉春正我起來時花階風送香飄
蕩日射影參差敢言鸞鳳翔千仞自分鷓
鴒占一枝花如繡酒滿卮高歌元亮去來

辭

叫啾啾一聲寒鴈滿天秋忽然驚醒三更夢

喚起百年愁世無杜預憐羊祜誰似常何薦
馬周二千客十一樓得優游處且優游

叫啾啾寒蛩入夜苦吟秋不堪宋玉騷人
怨王粲故鄉愁牀頭古典讀難盡天下名
山走未周彈長劔坐小樓青鎧白髮恨優

游

悶懨懨棄官只爲怕人嫌誰知富貴迷心竅
愁恨鎖眉尖林泉已是甘疏放臺閣休來舉
孝廉慵開戶莫捲簾得潛潛處且潛潛

悶懨懨近來逢酒頗憎嫌閒看風掃花成

陣雨趕筍抽尖韶華欲買難酬價山水貪
遊不害廉茅爲屋葦作簾箇中誰信有龍
潛

睡齁齁夢中忘卻醒時愁醒來舊事還如夢
新事更堪憂消愁閒去參三寶忍事何須傲
五侯黃金屋白玉樓得歸休處且歸休

睡齁齁利名身外不須愁老來未得朝聞
道安得日忘憂文章妄擬先秦筆骨象元
非萬里侯鳳凰閣鵲樓賢才供奉我甘
休

栢森森庭臺夏日有秋陰坐來識破炎涼態
斷卻利名心不須去削針頭鐵何必偷剜佛
面金千鍾酒幾曲琴得投簪處且投簪

栢森森先公種向小亭陰每看霜雪三三冬
操感時序百年心一經擢第傳三世累代
陰功勝萬金時臨栢一鼓琴知音不遇免
盍簪

步徐徐閒中徐步勝高車高車疾走防傾跌
徐步免追呼科頭懶把朝簪戴病體全憑主
杖扶休縛虎學釣魚得歸湖處且歸湖

步徐徐門前長者爲停車共憐對酒春將
去求友鳥相呼豪吞不用歌兒勸沈醉須
教稚子扶冠簪豸帶掛魚絕無魂夢繞江
湖

思沈沈倦彈三尺七絃琴雖然指下無別調
世上少知音雅吟猜做昭君怨怨曲翻爲梁
父吟朱顏改白髮侵得安心處且安心

思沈沈夜來獨坐弄瑤琴不須當世求新
譜太古有遺音雖無彩鳳雲中落且聽蒼
龍水底吟亭陰轉花影侵一輪明月到天

心

鬢蓬蓬恁般散誕與誰同世間有象終歸滅
無水不朝東休將錦帳驕王愷學煉丹砂類
葛洪山林下村落中得爲農處且爲農

鬢蓬蓬布袍形影野人同幾回獨立斜陽
外閒過小橋東虛名羞比天來大雅量還
須海樣洪誠爲上道貴中太平身退可明
農

意遲遲前程萬里不如歸興闌怕走紅塵道
喜傍綠楊隄眼前日近長安遠世上人多君

于稀靈龜休問海鷗不疑得忘機處且忘機
意遲遲杖藜日暮課農歸從容緩步平原
路強似築沙隄一鸞學黛新蟾細數點投
林倦鳥稀休多怨莫浪疑窮通消息任天
機

老婆婆一場春夢笑東坡故人別後音書少
暗裏諧言多黃金鑄印從君佩白璧無暇奈
我何平康巷安樂窩得經過處且經過

老婆婆閒看稚子戲陽坡盤餐莫怪珍羞
少須放菜根多山林有分吾當守富貴由

天可奈何謫仙府中簷窩難隨鳥翼一相
過

亂紛紛人情反覆似風雲堪憐鄰里嫌王老
妻嫂笑蘇秦不看僧面看佛面若愛凡身墮
法身攜心友對酒樽得論文處且論文

亂紛紛天涯望盡隔浮雲堪嗟綠鬢君歸
魯白髮我居秦似君終畫麒麟像愧我甘
爲草木身東籬菊北海樽牀頭幾卷碧山
文

雨絲絲衝風躍馬欲何之閒遊正喜風吹袂

況有兩催詩休圖雲裏栽紅杏好向山中覓
紫芝磨而不磷涅而不緇得隨時處且隨時
雨絲絲小孫臨帖愛羲之喜逢好雨知時
節合杜甫舊題詩怎能春野一犁雨廣種
仙家萬畝芝芳蘭變艾素衣化緇幾人獨
立不隨時

急煎煎晝無穩坐夜無眠大家都要爭名利
那解樂林泉苦留不住天邊日使去難來手
內錢絲悲閣獨樂園得留連處且留連

急煎煎鄰鷄喚醒曉窗眠喜看老婦烹春

茗童子取山泉日烘桃豔千層錦風撒榆
梢滿地錢臨芳徑坐小園四時佳興美相
連

眼矇矇爲親燈火費春工幸然學的文如錦
爭奈世難容年來綠鬢翻成雪運去黃金變
做銅當頭砲過耳風得推聾處且推聾

眼矇矇衰殘不爲看書工逢人只待通名
姓難辨舊形容每教象齒梳霜鬢未許菱
花照古銅驚山果問朔風這般幸免耳雙

聾

顛巍巍花枝一陣曉風吹見花想起田家樂
莫被宦途迷佯爲知己陰爲害你是何人我
是誰休推醉早見幾得迴頭處且須迴

顛巍巍花開花落任風吹世情開喜還悲
落悲喜總着迷是非須信皆由我毀譽何
勞更問誰禮無定事有幾莫將生死講輪

迴

綠茸茸侵階芳草失行跡洞門累月無人扣
長日有雲封陳餘刎頸交張耳韓信終身憶
崩通人難識心不同得含容處且含容

綠茸茸草階那得貴人蹤
貴人都在雙龍闕
消受五花封
足聞空谷音
雖喜潮斷潯陽信
不通邪和正
異與同相違
休論不相容

眼離離宦途如醉復如癡
人生閒散方爲福
富貴欲何爲
曾離吏部無恩怨
若謁權門有是非
守箝口莫皺眉
得休提處且休提

眼離離看人冷俐我呆癡
不隨佛事談寂滅
老氏講無爲
孔門一派源頭正
歧路千條到底非
花含笑柳展眉
一壺春酒自家

提

苦哀哀茅簷困着棟梁材靜觀雲向郎山去
月過女牆來癡心莫把禪機扣小意難將啞
謎猜權藏拙學避乖得沈埋處且沈埋

苦哀哀誰言屈了苦天才要知德比才華
勝忠尙孝親來舟中胡越無南北機動沙
鷗有忌猜須求道莫逞乖龍泉未免被塵
埋

月娟娟雲收雨霽好涼天呼奴接了青藜杖
鋪下紫茸氈十年窮困十年運一日清閒一

日仙石牀上甕牖邊得安眠處且安眠

月娟娟烏紗巾上是蒼天吾家學業爲丹
藥舊物有青氈恥談珠履三千客叨會瀛
洲十八仙南山下澗水邊歸來喜伴懶雲
眠

哭啼啼非關心事有相違只愁少箇干人俊
帶箇萬人敵子卿仗節生歸漢王蠟堅心死
在齊扶中國拒北狄得支持處且支持

哭啼啼勸君休恨願多違平生自信修仁
道誰敢與吾敵比干微子心無二盜跖顏

回命不齊尊華夏賤豸狄春秋世教賴扶
持

莫吝吝興來終日然吟髭嘗聞鯉退而學禮
賜可與言詩身歸遼海稱梅福血濺咸陽笑
李斯懷鄉曲歎世詞得尋思處且尋思

莫吝吝年來霧眼伴霜髭時常夢見心中
友記得耳邊詩坐席不省誰爲客人說方
知某在斯行書字小令詞掃毫無分但凝
思

怒冲冲愁聞暮鼓與晨鐘暗中斷送的年如

箭折挫的鬢成翁有時得應非熊夢今代誰
當汗馬功眉峰秀眼界空得英雄處且英雄
怒冲冲驚回殘夢枕邊鐘自知不是商巖
叟老似渭川翁千年幸遇當今帝萬物都
歸造化功忘榮利樂屢空男兒到此是豪

雄

影翩翩霜前白鴈又南旋令人觸物思前事
撫景惜殘年三又道北三開屋五柳莊前五
畝園無人共竊自憐得歸田處且歸田

影翩翩醉來自起舞盤旋狂夫坐享清閒

福幸際太平年菊松往日荒三徑芋栗于
今種滿園孫兒孝老祖憐何須多用買良
田

錦重重春來處處杏花紅花雖粧點出三春
景零亂後一場空笛聲吹落三更月帆影飛
隨萬里風勞山下海島中得潛蹤處且潛蹤
錦重重碧山亭上醉顏紅興來徧愛歌聲
好不放酒盃空潤沾蝶粉桃花雨嬌散鶯
簧柳絮風東林下北墅中青鞵處處有行
蹤

色鮮鮮玄鶴對酒畫堂前長鳴聲向雲邊落
舞罷月中眠重歸華表三千歲不跨揚州十
萬錢燒丹竈種玉田得談玄處且談玄

色鮮鮮山屏正對草亭前每于靜裏吟詩
坐醉後枕書眠尋常白髮因詩債三百青
銅當酒錢勤修德早種田何勞方外問玄
玄

鬢蒼蒼只因臥雪與眠霜山中有箇三陽洞
不弱似五雲鄉輕歌妙舞春偏好爛醉豪吟
夜未央煙花市翰墨場得風狂處且風狂

鬢蒼蒼自歸林下幾星霜閒來趕會牛王
社唱箇望吾鄉當年侍從趨青瑣此日瞻
依夢未央俳優陣傀儡場顛狂人又笑人
狂

淚漣漣恨無仙藥可延年挑燈把玩參同契
點檢悟真篇爐中久養君臣藥囊裏新成子
母錢由心悟難口傳得無言處且無言

淚漣漣世人誰不願長年勸君休覓偷生
訣且玩養心篇古來烈士能捐命除是忠
臣不愛錢休高論莫浪傳成蹊桃李本無

言

語諄諄閒將往事細評論誰知厠內秦丞相
勝下漢將軍九皋鶴唳聲初遠萬里鵬搏志
已伸料來今日難比古人得沈淪處且沈淪
語諄諄眼前世事向誰論饒君文歷三學
士字勝右將軍千篇風月人爭笑萬丈虹
霓氣莫伸白頭老薄命人碧山深處永沈

淪

雪漫漫花飛六出五雲端憶昔守歲居官舍
賀節拜金鑾兩行客淚隨風落一片鄉心對

酒寬椒花頰苜蓿盤得追歡處且追歡

雪漫漫當年翹首鳳樓端幾回瑤餌防趨
履金殿聽鳴鑾雲連宮樹千枝重袍惹天
香兩袖寬青絲菜白玉盤立春節屈萬人
歡

亂交交蜂衙蟻陣不終朝休學鄉愿同原壤
吏部比山濤羊腸路上難迴馬鴨嘴灘頭好
釣鰲琴棋友詩酒豪得相招處且相招

亂交交深藏茅屋度昏朝從他笑裏藏刀
劍舌上滾波濤南山李廣愁蹲虎東海任

公怯巨鰲藏吾拙讓爾豪虛名元是謗之

招

景輝輝光天化日古來稀方今用了羣賢策
立就萬年基不煩杞國憂天墜何用周人歎
日微渭河垂釣商山採薇得充饑處且充饑
景輝輝世間絕藝賞音稀豈無巧似公輸
子射比養由基奈何讒客心田惡可笑陳
人眼界微弋鳧鴈啖蕨薇一時難救萬民

饑

葉蓁蓁花開梅子已生仁流光春夏如飛箭

朝暮似征輪花王報信臨初夏梅子生仁已
暮春朝遊山寺暮宿水村得安貧處且安貧
葉蓁蓁都含造化箇中仁怎能紅日常常
午皓月永如輪水烹火煉終非道月窟天
根總是春桑麻塢水竹村老夫憂道不憂

貧

綠依依兩行煙柳接沙隄性偏懶謁新開府
只想舊漁磯放舟獨自乘風去罷釣同誰步
月歸烹鮮鯉煖舊醅得啣盃處且啣盃

綠依依垂楊如綫引荷隄狂夫不喜磻溪

岸只愛子陵磯清風不斷垂綸坐白首寧
同後載歸門無客甕有醅山妻相對盡餘
盃

自度度百年屈指四十多從前已是箇傷弓
鳥休更做撲燈蛾酒酣拔劍婆娑舞興發乘
舟欸乃歌粗知丁字幸登甲科得風魔處且
風魔

自度度歸來林下興偏多忝同薛氏稱三
鳳笑張做畫雙蛾逍遙國外逢僧話安樂
窩中擊壤歌舉人榜進士科願登賢俊屏

妖魔

碧粼粼風行水上總生紋登高聊作懷湘賦
不效送窮文算來詠月嘲風客豈是經邦濟
世人休誇口學養身得温存處且温存

碧粼粼水風紋是自然紋豈初先有三才
理方有六經文要知羣聖當年訓總爲吾
曹後世人百年壽七尺身芳名萬古幾人
存

響珊珊朝天環珮五更寒由來撒手丟官易
開口告人難姓名不上麒麟閣腳步休踏虎

豹關三更棗九轉丹得還山處且還山

響珊珊窗搖翠竹曉風寒玉堂朋輩書來
少風雨夢回難經年其賦春開閣趁月相
尋夜扣關論心話換骨丹追趨無路老雲

山

日熙熙太平且返釣魚磯歲前天上旄頭落
塞外羽書稀狂奴故態須消盡隱士歸心不
可移半肩行李一身布衣得收拾處且收拾
日熙熙山翁無事坐苔磯每思直道人偏
忌君子古來稀五經掃地難彌補八字由

天怎改移悲黃鳥刺綠衣前人遺下後人

拾

竹猗猗學須如琢復如磨爭來急性同飛電
利口似懸河要除黨惡知心少不聽人情惹
怨多忽然追悔如之奈何得由他處且由他
竹猗猗影篩明月鏡新磨喜看兔魄流金
液歎牛女隔銀河倚天長劍摩挲在蔽日
浮雲入望多吾衰矣奈遠何美人何日再
逢他

志揚揚重歸舊日臥龍岡無心久戀銅駝巷

暫脫碧鷄坊人情有似鷹逐兔世事渾如狼
牧羊猿鶴洞鷗鷺鄉得翱翔處且翱翔

志揚揚如山如阜更如岡年年聖壽歌天
保論德託春坊雲中宮闕盤雙鳳海上神
仙跨五羊蓬萊島錦繡鄉天邊遙望彩霞
翔

腹便便饑時飽飯倦時眠全憑詩酒消長日
耕稼度流年一頭黃犬三家疇六角犁牛二
頃田柴桑里松竹園得隨緣處且隨緣

腹便便南風蕭灑北窗眠罷官歸自壬申

夏禍起丙寅年怎學呆漢千年寫不占平
人半畝田寒棲屋暑在園西村農父結良
緣

鹿呦呦野猿爲友鹿同遊懶仙坐擁蘆花被
行棹木蘭舟孤鐙閃閃漁村晚殘角悠悠旅
館秋臨江閣望海樓得凝眸處且凝眸

鹿呦呦閒披鶴氅出城遊呼朋共策蒼龍
杖閒訪釣魚舟鵝鳩逐婦槐新雨鸚鵡將
雛稻正秋臨鷗渚說鳳樓南山牛首翠盈

眸

自謙謙休誇文武兩相兼身藏寶劍如雷煥
彩筆數江淹求官卻得歸藏卦問卜多逢悔
吝占乘山嶠看水簾得掀髯處且掀髯

自謙謙先憂後樂未能兼廟堂漸覺瞻依
遠常被夢魂淹身居秦地三千里運主坤
交六四占花開閣月捲簾幾回獨坐燃霜

髯

水源源源頭活水始成川丹家須下及時種
休只守荒田欲求住世千年壽必賴先天五
兩鉛用而不用玄之又玄得學仙處且學仙

水源源傍花隨柳過前川後生有志探學
海努力治心田慎獨方許賢希聖養壽何
須永與鉛美新莽學太玄子雲終愧下乘
仙

不拘拘從人喚做老狂夫笑將四海爲杯勺
五岳作茅廬消磨日月詩千首嘯傲煙霞酒
一壺無窮事多病軀得支吾處且支吾

不拘拘釣鰲無餌用貪夫困來捲卻虹霓
綫臥尙水晶廬高歌白雪餐雲液絕勝青
絲繫玉壺浩然氣用世軀牀頭羞看舊昆

吾

鳥呀呀行人應是早還家自今休鑷新白髮
不戴舊烏紗仰看晚雨沾飛絮斜倚春風數
落花彈絲吹竹頂真續麻得歡洽處且歡洽
鳥呀呀垂楊庭院野人家坐來風送黃鸝
語煙繞碧窗紗高懸心事天邊月看破浮
名樹底花春收繭秋刈麻農家兒女自情

洽

唾津津笑談鼓掌比儀秦須知雅量山藏骨
巧語水生鱗誰人背後没人說那箇人前不

說人身無恙舌尙存得云云處且云云

唾津津魯連蹈海恥扶秦怎能開口歌麟
趾攘臂批龍鱗尋常眼見衣冠客十九心
同市井人文休喪德要存君能倡義我何

云

雨蕭蕭新涼頓覺滿西郊秋成遍地皆行樂
惟我最無聊薄田止可糊三口破鏡忽驚見
二毛叨叨令步步嬌得歌謠處且歌謠

雨蕭蕭晴看禾黍滿芳郊紛紛黎庶深懸
望生命準能聊盤滄市遠無兼味社鼓村

連有燕毛醉來舞醜做嬌齊歌野調與山
謠

鼓闐闐聲連急管與繁絃筵前棋酒人如畫
詩賦筆如椽棋名只爲高而得酒趣難同醒
者言詩千卷賦百篇得人傳處且休傳

鼓闐闐興來還弄玉琴絃田家甕釀松爲
酒樓用竹爲椽懶尋方士求仙訣可怪鯁
生侮聖言滑稽傳佞行篇也留青史至今
傳

露穰穰秋深病體好難當迴看昨日花明媚

今夜景淒涼悲秋難展眉間皺抱病重添鬢
上霜通神散續命湯得安康處且安康

露穰穰碧天如水興難當無勞紈扇仍回
暑羅袂自生涼鄰家砧杵頻敲月水國蒹
葭欲變霜香薰引厚樸湯從今不用體平

康

水潺潺臨流洗硯硯池寒興來直舉雙鉤筆
橫掃五花箋拋瓢引玉雖云易點鐵成金亦
不難詩方就酒未闌得開顏處且開顏

水潺潺濯纓千頃破清寒山童忽報青雲

友遙寄彩霞箋
虛傳李杜齊名久
實有陳荀會面難
夢初醒夜已闌
屋梁落月見容顏

鴈雙雙雙北鴈
又南翔眼觀春草青
當戶秋月冷穿窗
光搖畫閣天如水
寒入羅幃夜有霜
長生藥不死方
得參詳處且參詳

鴈雙雙利名如鴈
往來翔爭如耕稼
棲山閣醉飽臥雲
窗移花春淺須經
雨刈稻秋深且待
霜段干木田子方
古人行止細端詳

幾樁椿病懷心事總堪傷當時只想鷓鴣雀
豈料犬逐羊怎消萬古無窮恨難得千金有
効方鉤直絃曲只短寸長得迴鄉處且迴鄉
幾樁椿此心無愧有何傷休從夢境尋藏
鹿岐路歎亡羊杖藜閒看雲千頃倚戶常
吟月一方鳧形短鶴頸長都歸造化自然

鄉

靜巉巉茅屋獨坐對江潭繞亭竹韻疑鳴珮
水色似揉藍追思往事情偏苦連累相知意
不甘抽身飛走絕口莫談得粧憨處且粧憨

靜巉巉屈原身墜汨羅潭如何林甫胸藏
劍盧杞面如藍每思奸惡心如辨題品忠
良味自甘聞鷄舞揮塵談英雄只恐笑人
憨

且饒饒鎗刀林裏掙功勞安能直上衝牛斗
平步上雲霄虎狼當住驕驕道鳥雀爭棲鸞
鳳巢鹿爲馬狗續貂得開交處且開交

且饒饒雕蟲篆刻也徒勞平生有志扶紅
日叨列在青霄營蠅止棘遭讒口倦鳥投
林覓舊巢箏排鴈酒換貂常尋幾箇布衣

交

燕飛飛朱門華屋與雲齊雖云時下無天日
夜半有風雷雪花寶貝消成水火焰人家化
做灰平津地薦福碑得那移處且那移

燕飛飛南薰庭院引雛齊有時掠岸啣芳
絮翻幕訝轟雷主更王謝心猶戀恨入昭
陽夢已灰無星稱沒字碑風光對爾興難

移

瘦亭亭病餘漸覺一身輕安居不作金聲賦
懶誦玉樞經閒來寺裏談佛法悶向街頭問

子平傳三昧推五行得休聽處且休聽

瘦亭亭浮名身外一毫輕堪嗟李耳猶龍
變孔志在麟經學傳洪範思箕子憤結離
騷歎屈平吾終老志莫行目雖昏暗耳能
聽

馬駢駢年年走馬拂征衣曉行偶爾遭顛躓
久矣不奔馳山高月小吟懷放水闊天低望
眼迷野才偏速野景更奇得題詩處且胡題
馬駢駢東風嶮峭透羅衣蓬萊宮下千宮
拜宮上五雲馳退朝藹藹花閒散歸院迢

迢柳外迷春撩興句好奇闌干閒倚賦新
題

碧熒熒良宵孤枕伴殘鐙小槽酒滴銀牀露
爪似玉壺冰堂中每下高人榻天上常瞻處
土星秋容淡夜氣清得凭闌處且閒凭

碧熒熒皇都曾看上元鐙迢迢風送銅壺
漏月射玉河冰煙籠鳳闕三千界光動鰲
山百萬星香塵淨文苑清歸來還把畫閣
凭

淚濟濟辭家上馬據雕鞍雄翰未遂平生志

莫作等閒看飄飄雪下鵝毛細陣陣風來馬
耳寒平西域逐北番得生還處且生還

淚潸潸銀盔繡甲跨金鞍萬全籌策胸中
定勳業掌中看將軍出塞威偏盛胡虜聞
風膽盡寒先零國吐魯番一時殺盡凱歌
還

眼睜睜世閒多是假胡伶功名不必毛錐子
只要孔方兄但同父老開尊飲不願王公倒
履迎長楊館細柳營得逃生處且逃生

眼睜睜口談仁義行如伶宦途交結爲良

友敬愛似親兄爭名暗使賊心害狡詐還
將笑面迎龍蛇窟虎豹營怎交那里去求
生
草芊芊春來綠滿綺窗前開窗仰見烘桃日
兼愛養花天漁翁只趁魚龍夜田父欣逢羊
馬年風光好人月圓得安全處且安全

草芊芊正當雨過午風前春來翠色不擇
地生意總由天夢回靈運吟詩日思入瀛
溪講道年葉合匾莖盡圓無心造化自周

全

熱蒸蒸火輪燒破紙湯瓶何時熬得秋霜重
暫喜午風輕悶彈三弄梅花曲翻寫千篇貝
葉經藏春閣避暑亭得經營處且經營

熱蒸蒸藕絲冰碗蔗漿瓶晚涼乍覺荷風
細香透紵衣輕小詞閒論張三影靜坐寧
學董五經碧山館春雨亭爲因避暑舊時

營

念區區命宜把釣老江湖三冬學就千金賦
讀徹五車書未酬烈烈十年志空負堂堂七
尺軀樞中虎轅下駒得安居處且安居

念區區狂言吞卻洞庭湖當年濫預金閨
選曾校玉堂書而今不數英雄漢一世甘
藏老病軀高岡鳳渥水駒白頭自笑守山
居

陣堂堂邊關萬里賴金湯何人身貫黃金甲
坐擁碧油幢盤龍路上煙如雨射虎林梢月
似霜獸心難測夷情不常得隄防處且隄防
陣堂堂救民伊尹佐成湯膏粱子弟無長
策將帥擁虛幢征夫淚灑干營月志士憂
成兩鬢霜出奇合正應變守常邊庭無事

也須防

碧澄澄江空雲靜月華明遊人夜動思尊興
朝聽賣花聲糊窗扯了悲秋賦揮扇丟開苦
熱行江湖夢正壑情得離京處且離京

碧澄澄瑤天如水夜將明御爐香裊麒麟
影樂奏鳳凰聲內班例許詞臣侍前導惟
教給事行葵藿性犬馬情幾回中夜夢神

京

翠峨峨咸陽百二舊山河英雄忽地閒爭鬪
都要逞嘍囉韓侯使盡扶劉計項羽愁聞散

楚歌時乎難再虞兮奈何得深藏處且藏着
翠峨峨大明一統舊山河四夷寧謐皆朝
貢誰敢逞嘍囉欣看麟鳳呈祥日細聽鳧
鶯旣醉歌人爲貴我若何臣忠子孝是歸
着

路滑滑恐防跌倒便歸家乘春就請樊遲稼
早種邵平瓜饑時一鉢雕胡飯醉後三盃陽
羨茶穴中鼠井底蛙得矜誇處且休誇

路滑滑四十五歲已還家生來命運逢箕
斗才智類匏瓜花香侵筇頻呼酒月影翻

鑄白煮茶笙簧烏鼓吹蛙園林風景也堪
誇

南曲次韻

南曲次韻

三
飲
虹
移